



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm VI. Quia.

[urn:nbn:de:hbz:466:1-62559](#)

Quæres: Quanam ratione, aut fundamento hæc responsio Innoc. nitatur? Resp. Eam nisi praxi ecclesiastica, secundum quam clerici in sacris, si nuptias secundas priore muliere mortua, aut viuente, inualidè contrahant, irregulares iudicantur, tanquam bigami sint, & indispensabiles, iuxta ea quæ c. 2. dicta sunt. Et àque interpretatio in odium Clericorum ita contrahentium facta est, id-eoque ad alios cum vxore altera, vel ytraq; inualidè contrahentes, spectato iure canonico scripto, extendenda non videtur: *Quia non praefas impidimentum, quod de iure non sortitur effectum, reg. 52. in 6.* Nihilominus propter auctoritatem DD. hanc responsionem Innoc. generatim intelligentium de omnibus etiam laicis, si inualidè contrahant nuptias secundas, quod irregularitatem quasi cuiusdam bigamiæ indispensabilem contrahant, in praxi sequendam esse, docuit lib. 1. tr. 5. p. 5. c. 6. n. 5. Ed quod gensuræ & irregularitates, etiam sine scripto iure, per vniuersalis Ecclesiæ consuetudinem daturam introduci possint.

CAPITVLVM V.

Debitum.

Dplex est matrimonium. Vnum ratum, quod mutuo contrahentium consensu constituitur, & significat coniunctionem Christi cum Ecclesia per charitatis unionem, iuxta Apost. 1. ad Corinth. 6. *Qui adharet Domino, unus spiritus est.* Alterum est matrimonium carnis copula consummatum, quod significat coniunctionem Christi cum Ecclesia per carnis assumptionem, de qua S. Ioan. c. 1. scripsit: *Verbum Caro factum est.* De eodemque Apostolus ad Ephes. 5. scribens ait: *Sacramentum hoc magnum est, ego autem dico in Christo & Ecclesia.* Hocposito sciendum est: Cum dicitur, bigamos atque irregulares esse eos, qui cum duabus yxoribus, vel cum vidua matrimonium contraxerunt, ita semper intelligentum esse, dummodo matrimonium consummatum fuerit. Quare si aliquis duas vxores duxerit,

sed alteram earum, priorem aut posteriorum carnaliter non cognoverit, bigamus non est. Idemque iudicium est de eo, qui viduam duxit & cognovit, quæ à priore marito cognita non est, sed virgo permanxit. Ratio est: *Quia bigamiæ irregularitas oritur ex defecitu Sacramenti, id est, quod matrimonium bigami non perfectam, sed quodammodo deficientem gerat similitudinem Verbi incarnati.* Nam Filius Dei copulavit sibi Ecclesiam vnam, ab alio non assumptam. Ergo illi tantum bigami & irregulares censendi sunt, qui duas vxores cognoverunt, sive ut Innoc. loquitur, qui carnem suam in duas vxores diuiserunt, vel qui vnam vxorem cognoverunt, quæ tamen ab alio viro cognita fuit, seu quæ carnem suam in plures maritos diuisit. Vide quæ dixi cit. c. 6.

NOTANDVM Vn. *Quicunque duas uxores successivè duxit & cognovit; & quicumque ab alio marito cognitam duxit & cognovit, bigamus est, & irregularis.* Idemque & de eo sentiendum, qui mulierem extramatrimonium corruptam duxit, & cognovit.

CAPITVLUM VI.

Quia.

SYMMARIUM.

1. *Qui plures concubinas habent, non sunt bigami.*
2. *Sacerdotes concubinarij olim erant ipso iure suspensi.*

Presbyteri, qui plures concubinas habent, non sunt bigami censendi. Quare Episcopus cum talibus perinde ac cum alijs Sacerdotibus fornicarijs, quoad sacerdotalis officij executionem, dispensare potest.

NOTANDVM Vn. Sacerdotes concubinarij olim erant ipso iure suspensi, ut etiam post actam pœnitentiam celebrare non possent, priusquam Episcopus cum ipsis dispensaret. Ita colligitur ex hoc c. contra Gl. c. si qui sunt, 15. d. 81. *Quid autem, spectato hodierno iure, sentiendum sit;* dixi lib. 1. tr. 5. p. 5. c. 4. n. 11. & lib. 5. tr. 9. c. 12. n. 10. CA.